

# Ntho e Kgethehileng

E ngotswe ke Jacqui Lange | Ditshwantsho ka Julie Smith-Belton

“Kip-kip-ki-i-ip! Kenang baratuwa ba ka!”

Bosiu bo bong le bo bong, nkgono wa Jasmien o ne a bitsa dikgoho tsa hae ho kena ka hokong, mme a di kwalle hore di bolokehe mme di se ke tsa jewa ke diphoofolo tse lapileng.

Mme hoseng ho hong le ho hong, Jasmien o ne a ntsha dikgoho mme a bokelle mahe ao di a behetseng. Eo e ne e le karolo eo a e ratang ya letsatsi.

Dikgoho tsa Nkgono di ne di le ka mefuta e fapaneng le boholo bo fapaneng, empa Jasmien o ne a rata e le nngwe ho feta tse ding kaofela. Lady e ne e le kgoho e maroboko. E ne ena le masiba a ikgarileng hloohong le setono se qhalakaneng. Ha Jasmine a ne a fa dikgoho dijo, o ne a etsa bonnete ba hore o qala ka Lady pele.







“Lady, o kgoho ya ka e kgethehileng,” Jasmien o ne a rialo.

“Ha o a tlameha ho ba le tseo o di ratang ho feta tse ding,” Nkgono a mo omanya. “Kgoho e nngwe le e nngwe e kgethehile ka tsela ya yona.”

Empa Jasmien o ne a sa iketse. O ne a rata Lady ho feta tse ding tsohle.

Ka letsatsi le leng, Lady a nyamela.

Jasmien a batla hohle, empa Lady o ne a ile.

“Mohlomong o jelwe ke lenong,” Eddie a rialo.

“Kapa letodi?”

Jasmien o ne a sa batle ho nahana ka seo.





Dibeke tse tharo tse telele tsa feta Lady a sa bonahale.  
Ho fihlela hoseng hoo ka hona Jasmien a ileng ho ya  
ntshetsa dikgoho ka ntle. A utlwa modumo wa koo-koo.

E ne e le Lady, a ena le ditsuonyana tse tsheletseng tse  
boya bo bonolo di ntse di mo latela!

“Koo-kookoo,” ha rialo Nkgono. “O bohlae, Lady, o ne  
o ipatile hore o fuame mahe a hao!”

Jwale Jasmien a ba le tse kgethehileng tse **ngata**.



# Ntho e Kgethehileng

E ngotswe ke Jacqui Lange • Ditshwantsho ka Julie Smith-Belton

## Mehopolo eo le ka buang ka yona

Lady o ne a kgethehile ho Jasmien. Ke eng kapa ke mang ya kgethehileng ho wena? Hobaneng o kgethehile? Na ka dinako tse ding o ikutlwa o kgethehile mme ka dinako tse ding o sa kgetheha? Hobaneng?



## Setshwantsho

Sheba ka hloko setshwantshong se maqepheng a mabedi a qalang a pale. Ke tse kae tsa tse latelang tseo o ka di fumanang:

- ★ dikgoho
- ★ diroto
- ★ mamati
- ★ mahe
- ★ difenstere
- ★ ditjhomela



## Ho bala

Etsa patlo ya mantswel! Fumana mantswel ana paleng ebe o fumana hore le leng le le leng la wona le hlalolang: bohlale, matsetlela, boya bo bongata, lapile, telele, matheba.




## Ho ngola

Taka setshwantsho sa Lady le ditsuonyana tsa hae tse tshelletseng. Reha tsuonyana e nngwe le e nngwe lebitso. Ngola lebitso ka leng tlasa setshwantsho sa tsuonyana e nngwe le e nngwe kapa kopa motho e mong ho o ngolla wona.



## Mosebetsi wa matsoho

Taka sheipi ya lehe khatebotong kapa pampiring e tshweu, ebe o e seha le ho e ntsha. (Kopa motho e moholo ho o thusa haeba ho hlokeha.) Kgabisa lehe la hao ka ho taka dipaterone tse fapaneng kapa ho penta ho yona.



## Tshebetso

Ke ditsela tse kae tseo o ka bitsang mantswel a modumo ana a paleng, koo-kookoo le koo-koo? Na o ka a bitsa jwalo ka kgoho e kgolo le hape jwalo ka tsuonyana? Bala pale ka lentse le phahameng o bitsa mantswel ana ka ditsela tse tsamaellanang le diketsahalo tse paleng. Kapa, kopa motho e mong ho o balla pale ena, ebe o a kenya ha ba bitsa mantswel ana a medumo.

